

## TITIEWAT+

La Alfabetización Mediática e Informativa (AMI), p+h+k+ ´utuarika haka ´ut+ UNESCO ti tewakame tsíe, wa hetsíe mieme p+h+k+ ´iku niuki kiekari mamamet+ká kem+ ´ane ´ik+ hetsie mem+ta ha wiya, m+k+ mana paka taine kename kiekatari meyunait+ ya xeik+a parewiya mete xeiyani, mex+ka me pit+arika pareku, kiekari tsíe kem+ti y+aneni wa niuki m+re nakenik+, tsiere piku xata kename kiekatari ke mem+teku ´eriwa me teku xatani tats+arí niuki tuayamete muku ´utukatsíe, mana yu maiyá me peuye hat+wani, me pikuxatani ´aix+ ´anemek+ me parewiyat+.

Hik+ yati ´ane wa+kawarí ti xuawe hakewa pem+reka xeiya tita pereu maim+k+ni, tete hakumate xeik+a kename ´etsikwerapa ´+k+ yati ´anene ti xuawe hakewa xeimieme pem+reka xeiya x+ka tixa+tsie pereumaim+k+ni. M+k+ ya ti ´anetsíe niuki payuye ´at+wani tats+arí "kiekatari ti naime tsíe, meteku xatani tita me hakumaté, tsiere x+ka tixa+t+ mete heu maikuni xeimieme mem+teta xat+arieni, m+k+ tats+arí mete haye ´at+wanik+ ke meteku ´eriwa yameteka hunik+, tatsiet+ri yu xa+ta yu hetsie mieme, mex+kat+ni kiekari tsíe ti mieme, tsiere ´etsikwera ti mieme tsíe" m+k+ ´ik+ niuki pa+ reku ´uxa titewakame tsíe Declaración de Alejandría, m+k+ heyuta xatakamexi mat+ari tiyuter+wame tsíe Coloquio de Alto Nivel tats+arí Alfabetización Informativa y el Aprendizaje tukari meu hane tsíe mieme. M+k+ ´ik+ niuki peyuta xá reyetewakaku Egipto, pa+mekaku, 9 de noviembre de 2005. M+k+ xápa paka ´ut+wa tats+arí tiyu ter+wame AMI, **m+k+ yemek+ p+h+k+ h+ata mieme ´+kit+arika tsiere maiyá m+xuawenik+ kiekari meuhane:** ´Ik+ niuki mayuye ´at+anik+ wa+kawa yemek+ peuyewetsé ti yu ´+kit+wame m+raku maikak+ kepa+ m+ti ´ane ´ena tukari tsíe, yu xa+ta ketiy+h+awe, tsiere kepa+ raku ´ane kiekatari wahetsíe mieme, kepa+ tiwaparewie yu niuwari, tsiere raku maiká ke ´anenet+ parewiya m+yuyetua kiekari tsíe tsiere ´etsikwera.

´Ik+ yam+ti ´anetsíe, tats+ari tsimeyu pa+met+ memaye hu tsíe **tame m+k+ tep+h+k+ te mariwamete,** wa+kawa t+r+karima p+tiu parewi IFT ´ik+ niuki mayuye ´at+wanik+ tiyu ter+wat+ Alfabetización Mediática e Informativa (AMI) m+k+ tsíe me mayuka ´utuwanik+ ke ´ane yemek+ ´aix+ ´iyari mete heumaikuni, tsiere wa+kawa meteku xatat+, wa ye tuiet+ te ´+kitamete, tsiere tá wa papa, tsiere wa niwema ´+xatsika m+k+ ts+ yemek+ ´aix+ ´iyari meteti xeiya+ tifa m+raye huu, ´imat+arika me ´iku xatat+ x+ka ´aku ´ax+ anet+ raye mieni.

**¡´ik+ niuki ´ena mayemíe tsiere ´utuarika p+ ´a hetsíe mieme, keneku ma+wani!**